



Maglaj, 12.12.2019. godine

## ZAPISNIK

sa sjednice Privrednog savjeta Općine Maglaj, održane u utorak, 10.12.2019. godine u sali  
Općinskog vijeća sa početkom u 12:00 sati

### PRISUTNI:

1. Mirsad Mahmutagić, Općinski načelnik
2. Senada Alibajraktarević, Općina Maglaj
3. Emina Hasanić, Udruženje poslodavaca Maglaj
4. Nermin Kadrić - Efcotat d.o.o. Maglaj
5. Braco Bradarić - Zanati d.o.o. Maglaj
6. Jasmin Halilović - Stilprojekt d.o.o. PJ Maglaj
7. Amir Alibajraktarević - INEL BH d.o.o. Maglaj
8. Bradarić Abdulkadir – Sirovina eko d.o.o. Maglaj
9. Hrnjić Muhamed – HM promet d.o.o. Maglaj
10. Husić Senajid – Bontex d.o.o. Maglaj
11. Ferhat Bradarić, Općina Maglaj
12. Nermin Bešliagić, Općina Maglaj
13. Nedžad Čatić, Općina Maglaj

Mehmed Bradarić, direktor KJD Maglaj  
Adis Mustabašić, AICOMP d.o.o. Maglaj

Zapisničar, Omar Fazlić  
Arnela Tumbić, Općina Maglaj press

### Dnevni red:

1. Prezentacija implementiranih i aktuelnih projekata i aktivnosti na području općine Maglaj;
2. Prezentacija nastalih izmjena koje se tiču ambijenta za privređivanje i poslovanja privrednih subjekata na području općine Maglaj;
3. Priprema programa rada Privrednog savjeta općine Maglaj za 2020. godinu (plan rada, nastupi na sajmovima, plan informisanja i edukacija, program poticaja, ostalo);
4. Razno – prijedlozi i sugestije, tekuća problematika

Predsjednik Privrednog savjeta općine Maglaj, Mirsad Mahmutagić se na samom početku zahvalio prisutnim članovima na odvojenom vremenu i dosadašnjem radu. Nakon pročitano g dnevnog reda i njegovog usvajanja, otvorio je raspravu po tački 1.

AD-1 - Presentacija implementiranih i aktuelnih projekata i aktivnosti na području općine Maglaj

Općinski Načelnik je detaljno predstavio implementirane i aktuelne projekte na području općine Maglaj kako bi se članovi Privrednog savjeta kvalitetno informisali i dobili ažurne podatke o aktivnostima u općini Maglaj ali i prosljedjivali egzaktne informacije ostalim zainteresovanim privrednicima i kanalisao njihove interese u sklopu tih aktivnosti, te je nakon prezentacije otvorio diskusiju. Posebnu pažnju izazvali su projekti čija realizacija je započela ili će se realizirati u 2020. godini.

Članovi Privrednog savjeta su izrazili zadovoljstvo sa trenutnim aktivnostima i naglasili da kontinuirano treba nastaviti sa posebnim akcentom na projekte koji doprinose unapređenju poslovnog ambijenta, kroz projekte viših nivoa vlasti ili drugih donatora i organizacija.

AD-2 - Presentacija nastalih izmjena koje se tiču ambijenta za privređivanje i poslovanja privrednih subjekata na području općine Maglaj;

Općinski načelnik je u kratkim crtama eleborirao važeće, Odluku o komunalnim taksama i Odluku o komunalnoj naknadi te cijenama komunalnih usluga i istakao najznačajnije izmjene u odnosu na ranije važeće odluke i uslove privređivanja na području općine Maglaj.

Poseban osvrt je napravljen na uporednu analizu cijena ovih naknada u općinama okruženja.

G-din Bradarić Ferhat je prezentirao relevantne elemente odluke o komunalnim takasama i uporedbu sa visinama naknada općina okruženja. Egzaktno je prezentirano da su visine komunalnih taks i najniže ili među najnižim u regiji za privredne subjekte/djelatnosti koje su dominantno zastupljene na području općine Maglaj i kao takve sigurno stimulativne za najveći broj privrednih subjekata.

G-din Bešlagić je ukratko elaborirao metodologiju obračuna komunalnih naknada te uporednu analizu iz koje je takođe pokazano da su iste najniže u općinama okruženja i šire.

Općinski načelnik je predstavio i procjenu finansijskih efekata kako za budžet Općine Maglaj tako i konkretnih privrednih djelatnosti/subjekata. Općinski načelnik je takođe istako karakter prihoda po ovim naknadama te njihov namjenski karakter i način i svrhu utroška.

U nastavku, direktor KJD Maglaj, Mehmed Bradarić je prezentirao situaciju sa cijenama komunalnih usluga za privredne subjekte na području općine Maglaj.

Istaknuto je da je cijena vode najniža u okruženju, dok je cijena odvoza komunalnog otpada, s obzirom na različite metodologije obračuna po opštinama, teže uporediva ali kroz par karakterističnih primjera, pokazano da je i ova usluga među najnižim u regiji.

Evidentna je problematika primjene važeće Odluke o cijenama ovih usluga za jedan broj privrednih subjekata koji imaju veće površine za obavljanje svojih djelatnosti gdje ova Odluka na određen način treba da doživi izmjene.

S obzirom na planiranu sjednicu Općinskog vijeća, Općinski načelnik je pozvao prisutne da daju i svoje eventualne primjedbe i sugestije koje bi bile iznesene na sjednici OV a prije samog kreiranja nacrti i usvajanja novih odluka što je prihvaćeno i kao zaključak ove tačke;

AD-3 - Priprema programa rada Privrednog savjeta općine Maglaj za 2020. godinu (plan rada, nastupi na sajmovima, plan informisanja i edukacija, program poticaja, ostalo);

Nermin Bešlagić je predstavio svrhu i karakter Programa rada Privrednog savjeta općine Maglaj za 2020. godinu i otvorio diskusiju kako bi ostali članovi uputili prijedloge.

Takođe je prezentirana aktivnost članova privrednog savjeta odnosno njihovog prisustvovanja održanim sjednicama privrednog savjeta u prethodnom periodu te kroz novi ciklus izrade Strategije razvoja općine Maglaj 2021-2027.g. predviđena uspostava novih radnih/sektorskih grupa te je najavljena i rekonstrukcija Privrednog savjeta u pravcu zamjene neaktivnih članova i uključivanje novih, proaktivnih, članova.

Usvaja zaključak da se za slijedeću sjednicu pripremi Prijedlog Programa rada Privrednog savjeta općine Maglaj za 2020. godinu.

AD-4 - Razno – prijedlozi i sugestije, tekuća problematika

4. tačka dnevnog reda bila je prilika za razne sugestije i prijedloge, kao i iniciranje aktivnosti koje članovi privrednog savjeta smatraju važnima u svrhu poboljšanja privrednog ambijenta u općini Maglaj.

G-din Kadrić je inicirao prijedlog o potrebi blagovremenog pokretanja inicijativa prema nadležnim tijelima u cilju intenziviranja projekta gasifikacije općine Maglaj odnosno ove regije a što su ostali članovi Privrednog savjeta podržali.

G-din Adis Mustabašić je elaborirao strukturu privrede općine Maglaj sa pokazateljima konkurentnosti i profitabilnosti te istakao potrebu podizanja kapaciteta firmi u pravcu inoviranja znanja, obuke menadžmenta, digitalizacije i kontrolinga.

Takođe, naveo je kako obrazovanje predstavlja veliki problem jer ne stvara radno sposobni kadar. U tom pravcu sugerisao je i potrebu neformalnih edukacija na teme zanimljive i neophodne lokalnim privrednicima. Istakao je i potrebu organizovanja škola jezika i informatike za ključno osoblje privrednih subjekata sa područja općine.

Uz sve veći odlazak stručnog kadra u zapadnu Europu, koji se svake godine povećava, g-din Kadrić naglasio je da treba aktivnije pristupiti rješavanju tog problema. Predložio je da se u narednom periodu pozovu predstavnici obrazovnih institucija u Maglaju, na sastanak Privrednog savjeta, kako bi čuli njihovu stranu i tako pristupili rješavanju problema.

G-din Braco Bradarić je napomenuo potrebu spajanja privrednika kao njihove podrške lokalnim sportskim klubovima. Naveo je da se Maglaj može ponositi rezultatima raznih klubova ali kako im je potrebna podrška lokalnih privrednika kako bi nastavili sa dobrim rezultatima i ostali konkurentni sa klubovima drugih opština.

Po ovoj tački zaključeno je:

- Zadužuje se Načelnik općine da uputi inicijative i koordinira aktivnosti sa susjednim općinama u pravcu rješavanja pitanja gasifikacije općine Maglaj.
- U najskorije vrijeme organizovati predavanje iz domena menadžmenta i vođenja firmi za zainteresovane privredne subjekta

Mirsad Mahmutagić se na kraju zahvalio članovima na konstruktivnom radu i dobrim sugestijama i kritikama koje će samo doprinjeti poboljšanju sveukupnog rada općine Maglaj i njenom poslovnom ambijentu.

Završeno u 14:10 sati

Zapisnik sastavio:

Predsjednik Privrednog savjeta:

Mirsad Mahmutagić

